

III.

REGNUM MORTUORUM.

Nro. 88.

Politica Mortuorum Colloquia.

Elysium-Meum.—Die Martis 19. Dec. 1809. (Nro. 1. Dec. 1809.)

Alexander Theophilus Baumgarten Anno 1750
orbi Aestheticam dedit, & elegans orbis
hodie aesthetice, nequaquam (salva venia)
prosaice vivere vult.

Mercurius auscultans

*Colloquio Aestheticum inter. Et ejus Uxorem, id
Charitæ mandavit, attulitque in Elysium.*

Uxor. Est, quod tibi credere volo, dulcis
marite!

Aesth. Quid illud suavissima Conjux?

Uxor. Nuper mimico D. Haendel ludo in-
tereram; vertebatur de te sermo perquam
honorificus; dicebatur celebris Aestheticus, &
ad mimum non comparuisse; aderat homun-
cio, qui te æstheticum singularem adpellita-
bat, respondi: ex trimestri me tuam esse thori
sociam, proin majorem tui cognitionem ha-
bere quam ille homuncio, qui te Aestheti-
cum fecisset, & omnes in cachinnum sol-
vebantur.

Aesth. Habeo gratias pro hac defensione
dilecta! jam antea matronam mimicam Han-
del videram.

Uxor. Porro: dic, sis, quoniam hoc nomen tibi dabatur, quid sibi id vult: Aestheticus?

Aesth. Omnia subsannari possant; multi de Aesthetica loquuntur, ut coeci de colore.

Uxor. Me dixisti — id ipsum est, ob quod te rogo.

Aesth. Audi, sis, dulcissima! Aestheticus est — qui — scientiam, cui Aesthetica nomen, excolit.

Uxor. Itane! ergo Cocus, culinam curans, homo est, qui coquendi scientiam excolit? nihilo sum facta certior.

Aesth. Hoc definiri facile nequit; si te docere vellem: Aristotelem, de quo in eruditorum societate aliquid audiveris, Aestheticorum principem fuisse, tædium & oscitatio tibi obreperet.

Uxor. Non existimo his totam absolvi disciplinam.

Aesth. Nequaquam. Aesthetica est scientia, in qua tam generalia principia, quam & regulæ bellarum scientiarum, artiumque ex natura gustus derivantur, hæc definitio Cel. Alex. Theophili Baumgarten auctoris Aesthetices.

Uxor. Hocne totum? profecto res non magna!

Aesth. Major opinione tua; multi homines æsthetici sunt, quia sciunt: cur sint;

Uxor. Ergone & ego æsthetica sum, dic quæso!

Aesth. Nihil dubita de eo; visne id probari?

Uxor. Ex imo corde id cupio, differere!

Aesth. Nuper Mimus apud Dominam Hændel annunciabatur, vix Annunciationis Schedam legisti, & jam Schedam admissionis (Billet) adferendam curasti — hæc idea jam erat æsthetica, exilui gaudio.

Uxor. Optime Marite! Ingenue fateor: mihi hoc agenti, Aestheticam nec in primam mentis operationem venisse, nec scivisse quid sibi speciosa hæ velit nomenclatio, Adivi ludum, pro more multorum elegantium dominorum, & dominaarum, qui fortassis plus minus norunt, quid Aesthetica sit. —

Aesth. Aliud in numerato habeo exemplum.

Uxor. Quod illud, profer. —

Aesth. Dum amicum ad coenam invitamus, ais Cocæ: ut una alterave plus paret dape; cur, amabo, id?

Uxor. Quod indicare probareque velim, magni a nobis fieri hospitem.

Aesth. Res salva est amantissima! En limpidissimam Aestheticeam! — ita se res habet & cum aliis objectis. Placet tibi audire Musicam, quod aures demulceat tuas, at opus divini Mozartii, & clarissimi Haydenii præfers vulgaribus sonis; an non hoc luculentum argumentum: excultum esse gustatum, eum regulas Aesthetice sentire?

Uxor. Jam modò rem capio — verum die obsecro: Cur res ridicula visæ, cum ab homuncione illo æstheticus nominabere?

Aesth. Causa est: quod æsthetica multis obscura adpareat; ejusque regulæ non perspiciantur, hanc ob causam multi adhuc prosaice vivunt, prout Aesthetici loquuntur, ex hoc prosaice societates tandem causantes, inde prosaicus, non excultus, gustus.

Uxor. An, quæso, & utilis est Aethetica?

Aesth. Ut ambigis? ea rationem continet initarum tecum nuptiarum mearum, quod te thori sociam elegerim. —

Uxor. Id sane dictum, & actum eleganter admodum, profecto me latebat: Conjunctionem nostram Aestheticæ in acceptis ferendam mihi esse; sed per omnia, mi bone! te ore, obtestor, ut se res ista habebat? prof. re.

Aesth. An vis a me adumbrari amoena, & ut tibi blandiar? hoc a me longe alienum est, veritatem sequor — ei fidelis maneo, Tu forma, & venustate vales, oculorum elegantia, & corporis habitu, at fateri debeo, multas dari tui sexus præstantiores forma tibi; & factum nihilominus est, ut amor scilicet me tibi alligaret; perspexi in hoc vitæ fortunam meæ, & eam, hoc etiam temporis articulo sentio, quid est magis ætheticum in cessu, aspectu, vultu, bona indole animi tui? suavitas in familiari conversatione tua, tuum ingenium in sermone me adhuc ita magico stupore replent, ut exacto trimestri matrimonio, æque te diligam, ac primo quo in manus meas convenisti, die.

Uxor, Faxint Superi! ut hæc perpetua sit Aesthetica!

Ita sonat Dialogus, a Mercurio ex superiore mundo in Elysiū delatus.

Attulit eadem occasione caduceo suo alligatas Ephemerides, e quibus En! aliqua:

Parisiis 26. Nov. Monitor hodie ait; S. M. Rex Saxoniae ante aliquot dies Musæum rerum naturalium, Caldaria, Oeconomiam Botanici horti, Cæs. Tapetum (Gobelin) Manufacturam invisit. Nupero Veneris palatium Luxemburgicum adiit, inque eo destinata Sessionibus Senatus habendis Conclavia, pro ut & ambulaora, in quibus celebres icones a Rubensio, Leseur, & Vernetto asservantur: lustravit. Sabatho accedere dignabatur fabricas principum aliquorum hujatum artificum; ut, D. Gerard, Chabaut, Roberti Lefebvre, item Porcellanam D. Dille, tum Cæs. Cristallorum promptuarium D. Thomire, Biennais &c. hac occasione Sua Maj. cuius obiecto, digno viso penitioris examine, immobilabatur.

Argentorato 27. Nov. Rex Wittenberg. hodie 6 matutina cum comitatu isthac Parisios tetendit.

Heri urbem hanc prætervecti: Hæreditarius Princeps Hohenzollern-Sigmaringen, Gen. Dux in stipendiis Regis V. Siciliae; hæredit. Princeps Hohenzollern-Hechingen. Colonellus, Adjutor bellicæ rei ministri D. de Zeltre; D. Mareschallus C. Oudinot cum adjutore & comitatu suo, omnes Parisios versus viam in-

gressi; ante aliquot dies D. Denon Cæs. Musæi Director isthac Parisios transit.

Nunciis ex Scaldi indicant: animadverti amplius adparatus ad suscipiendum propediem molimen adversus Anglos in Insula Valchria; fertur recen: adpulisse naves Anglicanas, utrum vero eæ suppetias attulerint, aut adjuvandæ evacuationi Insulæ destinentur, non constat.

Dresda 19. Nov. Futura hebdomade demoliendis hujatibus munimentis manus admovebitur, & eodem quidem tempore ad vallum Novæ urbis, & medii valli ad portam Wiltsdorfensem; gaudium publicum de eo magnum est. Fossa quadrata saxa elegantia secundam Albim Vittenbergam devchenda dicuntur, quæ fortiter, & ad regulas artis munienda perhibetur.

Varsovia scribitur: Gallico Gallicianas copias Jussa accepisse in vicem tricoloris tesseræ, Polonicam albam affigendi, suisque insignibus albam aquilam addendi, quod eæ Polonico exercitu Varsov. conjungendæ sint.

Generalis agminis Dux Carra S. Cyri Commendans primæ Cohortis XI agminis in Illyrico commorantis creatus, die Jovis novam stationem aditurus isthinc proficiscitur, discessus ejus ob personales præclaras dotes admodum dolori cedit.

Princeps Saxonie Mariana ægrotat.

Fama fert: Napoleonem Imp. litteris de 10. Octob. Russico Imp. ob. pacem cum Svecis in tam vota detulisse; propinquamque Gal-

lize cum Austria conficiendæ pacis spem cum præcipuis conditionibus annuclasse &c.

Stuttgarda 27. Nov. Heri Gallicus Gen. Dux C. ab Andreoffy Gubernator ad hoc tempus Vindobonæ Gallias repetens hac transiit. Eodem die Reg. Bavar. Secreti Conclavis nuncius isthac Parisios præterlit.

Colonia 16, Nov. Decreto Cæsareo de 7. Octob. conceditur invecio ligni tinctorii, materialiumque ad tinctoriam aptorum in Hollandia emtorum ad eam quantitatem, quam Consules Agentesque Gallici Amstelodami & Rotserodami ante Cognitionem Cæs. de 17. Julii Decreti Certificatoriis suis concesserunt.

Ad Cæsareo Regiam Austriacam sulam constitutus M. Britannæ Regia legatus D. Bathurst die 8 prioris mensis Buda, loco comorationis suæ, discedens, Angliam repetiit.

Gallicanæ paginæ de 28. Oct. nihil memorabile continent. Francica Ephemeris (Gazette de France) articulo: Vindobona de 17. h. m. memorat: Tres Archi Duces: Johannem, Ferdinandum, Maximilianum destinatos, illum ad residendum Græcii, istum Brunæ, hunc vero Cibinii, ignorari tamen an Gubernatorum munere functuri sint.

Archi Dux Carolus, deliciae exercitus gentisque Austriacæ, Teschinii moratur, de valetudinis ratione ter amari principis nihil certi intelligitur.

B a v a r i a.

In memorabili scripto: Fragmenta ex gesta Gallicæ contra Austriam expeditione A.

1809, quæ Bavaricum officialem auctorem habet, seqv. leguntur, Profecto res stupore digna: adeo bene instructum exercitum, qui tam excellentem equitatum, & præstantem rem tormentariam habuit, ut Austriacus, adversa fortuna laborasse; Austriacus tormentarius miles rem suam callere scientiæ, ejus cognitiones theoreticis principiis nituntur, non deest ei occasio multiplici bellorum experientia eam probandi; Equitatus egregie equis instructus est, præstanter exercitatus, severam disciplinam tenet; alio loco ait auctor: uberem medendi Campum de rerum cursu, suppeditat Seditio Tyrolensium; cœu ludus accessorius ad tragicum Austriam inter & Galliam dimicationis actum; absque rationibus, absque Ducibus, absque re tormentaria, & Equitatu, cum disciplinæ tenace, & præstante exercitu congregi velle, peccatum est non modo in rationem, sed & summæ amentię proximum.

Labor — Negotium:

Labor indicat proprie intencionem virium ad perfectionem operis cujusdam necessarium; — etiam bruta laborant, verum nulla *negotia* peragunt.